

Ronella Tjin Asjoe-Croes:

Reconociendo algun di e arkitectonan di nos turismo

ORANJESSTAD - "Desde cu nos isla a drenta Status Aparte 30 aña pasa, ta hopi reto nos a confronta. Di un dia pa otro nos mes- ter a cambia nos enfoque di un industria petrolero pa turistico", asina Ronella Tjin Asjoe-Croes, Chief Executive Officer di Aruba Tourism Authority a inicia su discurso na ocasion di develo di e Monumento Ike Cohen situa riba Plasa Turismo.



El a corda tur hende, cu no tabata algo facil, pero hopi hende e tempo ey a pone schouder bou di e causa cu awe nos por ta orguyoso di yama mas di 1 miyon turista bonbini na nos isla tur aña.

Di acuerdo cu Ronella Tjin Asjoe-Croes, tin un dicho

solido riba cual nos ta sigui construi awendia.

"Nos ta aki awe pa celebra inauguracion di monumento Ike Cohen. E monumento aki ta mas cu djis un honor na Ike Cohen. E ta tambe un honor na tur otro cu, di un of otro manera, sea den hotel, sea den restaurant, sea den

un causa of idea of hasta pa kibra un record. Y den e grupo aki, tur ta pioneronan den nos industria turistico... nan ta arkitectonan clave di e éxito di nos turismo.

Nombenan manera Juancho Irausquin, Oscar Henriquez, Wichí de Palm, Ike Cohen, Raymond Maduro, Eduardo de Veer, Harold Malmberg, Ramon Richardson, Eline Bartels-Daal, Louis Pavlis, Charlie Brouns Jr., Joy Kock, Lloyd Jean-Baptiste, Manchito Ponson, Chaibeen Neme, Morris Neme, Eduardo Ellis, Simon Oduber Jr. y Ewald Biemans... tur ta personahenan cu di un of otro forma a aporta na crea e

industria turistico cu awe ta e pilar economico di mas importante di nos isla.

Un otro dicho Arubiano ta bisa 'Ningun hende no ta profeta den su tera', cu ta nifica cu hopi bes na cas mes no tin aprecio pa e trabounan realisa.

Nos sin duda lo no permiti esaki sosode. Ta p'esey mes, Aruba Tourism Authority conhuntamente cu Ministerio di Turismo, ta muestra cu ta contento y ta celebra nos logronan y cu orguyo nos ta reconoce tur cu a traha duro, cu sodo di nan frenta, pa awe nos ta unda nos ta.

Cu e monumento aki awe nos kier procura pa e nombenan

aki ta bon graba y cu e generacionnan nobo por siña y cu nos bishitantenan por conoce mas di nos desaroyo turistico.

Ronella Tjin Asjoe-Croes a indica tambe; "Manera boso por nota e monumento aki ta brinda e espacio pa otro pioneronan cu a, ta y lo ta di significante grandi pa nos turismo, pues ta e intencion pa sigui expande esaki." El a sigui bisando "Mas cu e monumento aki, awe mi kier yama cada un di nan danki. Y na esunnan cu no ta cu nos mas, na nan famia, danki!... Danki pa permiti cu boso serkeri ta un di e arkitectonan di nos desaroyo turistico di nos isla." □



Arubiano cu ta bisa 'Experiencia bo ta cumpra na pacus di hende bieu'. Claro cu e proverbio no tin nada di haber cu edad di hende, sino mas bien cu experiencia di hende. Y ta nifica cu e generacion nobo, tin hopi pa siña y tuma for di e experiencia amplio di esunnan cu a traha prome cu nan, cu a logra otro exitonan prome cu nan y cu ta e grupo cu den cierto forma, a construi e fundeshi

tour, sea den vision... tur cu nos ta considera un pionero den turismo", asina Ronella Tjin Asjoe-Croes a conta.

Cada un di e personanan cu a expone nan nomber riba e monumento aki a hunga un papel crucial den turismo di nos pais. Un pionero ta un persona cu ta reconoce potencial, un innovado cu ta capaz di purba cosnan nobo, ta pusha e limite pa por logra



Caribbean Speed Printers N.V., un compania local estableci na 1991, editor di Bon Dia Aruba, Aruba Today y Buenos DiasAruba ta en busca di un;

Graphic Designer

Resumen di trabou:

Crea aviso segun standard di corant pa cliente. Mester por traha den un ambiente unda stress y tempo limita ta parti di e rutina diario. Mester ta responsable pa e contenido di e aviso pa asina evita pa error. Mester controla e aviso nan cu ta bin traha caba si nan texto ta sin error.

Exigencia:

- Mester por domina e siguiente programa nan:
- Adobe Photoshop, Illustrator, Indesign, After effects, Sketch Tools for mobile application.
- Otro software manera Corel draw y Photo Paint ta un plus
- Amplio experiencia den e ramo di Graphic Design
- Mester ta un teamplayer
- Mester ta un persona hopi exact pa detalles
- Mester por papia y skirbi Papiamento conforme ley estableci; papia, lesa y traduci fei Hulandes, Ingles y Spaño
- Mester ta un persona creativo y inovativo

Nos ta ofrece:

Caribbean Speed Printers N.V. ta ofrece un posicion den un ambiente dinamico, innovativo y cu oportunidad di crece. Salario y beneficionan ta di acuerdo cu e nivel di experiencia.

Si bo ta reconoce bo mes den e perfil aki, por favor manda bo carta di solicitud y dirigi esey na atencion di HR Department, Weststraat 22, Oranjestad, Aruba of via e-mail pa: human.resources@cspnv.com

Pa mas informacion riba e posicion, tuma contacto cu sra. M. Engelhart na telefon 582-7800.